

Allmenne vilkår for avtalar om kraftpris for næringskundar

Denne avtalen, som heretter er kalla Allmenne vilkår, gjeld mellom Kvam Kraftverk AS og næringskundar, offentlege kundar, organisasjonar og andre typar sluttbrukarkundar som ikkje er omfatta av definisjonen forbrukar i forbrukarkjøpslova.



Innhald

§ 1 Allmenne føresegner	3
§ 1-1 Partane i avtalen.....	3
§ 1-2 Emne for avtalen og avtaleforholdet og yting frå Kvam Kraftverk AS.....	3
§ 1-2.1 Avtala yting frå Kvam Kraftverk AS.....	3
§ 1-3 Ansvarsfråskrivning	3
§ 1-4 Avtaledokument	3
§ 1-6 Opplysningar når ein inngår alle typar avtalar om kraftpris.....	4
§ 1-7 Oppseiing av kundens faste avtale om kraftpris ved overgang til avtale om kraftpris med Kvam Kraftverk AS	4
§ 1-7.1 Ansvar for oppseiing av kundens faste avtale.....	4
§ 1-7.2 Verknaden av klagar frå den tidlegare avtaleparten til kunden.....	4
§ 1-7.3 Ansvar for tap o.l. som følgje av forseinka eller ikkje gjennomførbart leverandørskifte	4
§ 1-8 Kredittvurdering, sikkerheitsstilling o.a. ved avtaleinngåing	5
§ 1-8.1 Kredittvurdering	5
§ 1-8.2 Sikkerheitsstilling o.a.....	5
§ 1-9 Teieplikt	5
§ 2 Avrekning for uttak av straum	5
§ 2-1 Avrekning	5
§ 2-1.1 Avrekning ved bruk av måleverdiane til nettselskapet.....	5
§ 2-1.2 Avrekning ved stipulering av forbruk	5
§ 2-2 Feil ved avrekning.....	6
§ 2-2.1 Feil ved avrekning som kan tilskrivast Kvam Kraftverk AS	6
§ 2-2.2 Avvikskorrigerering etter at det er blitt brukt stipulering ved avrekninga	6
§ 2-2.3 Avrekningsfeil som følgje av feil i oppgitte måleverdiar frå nettselskapet.....	6
§ 3 Pris og betalingsvilkår	6
§ 3-1 Kraftprisar og endring av kraftprisar	6
§ 3-1.1 Endring av kraftpris	6
§ 3-1.2 Nettleige.....	6
§ 3-1.3 Offentlege avgifter o.a.	6
§ 3-1.4 Plikt til å dokumentere avgiftsfritak og rett til refusjon ved feilaktig avgiftsfritak	7
§ 3-2 Betalingsvilkår.....	7
§ 3-3 Forseinkingsrente	7
§ 3-4 Inkasso	7
§ 4 Sanksjonar ved misleghald av avtalen	7

§ 4-1 Stansing.....	7
§ 4-2 Heving av tidsavgrensa kraftprisavtalar	7
§ 4-2.1 Kundens hevingsrett.....	7
§ 4-2.2 Erstatningsansvar for kunden dersom det ikkje er hevingsgrunn	8
§ 4-2.3 Kvam Kraftverk AS sin hevingsrett.....	8
§ 5 Frikjøp, oppseiing og opphøyr av avtale om kraftpris med fast pris og/eller varigheit.....	8
§ 5-1 Hovudregel for avtalar om kraftpris med fast pris og/eller varigheit	8
§ 5-2 Frikjøp frå avtaleforplikting og berekning av frikjøpsbeløp	8
§ 5-3 Særskilt om vidareføring og frikjøp frå avtalar for kundar som flytter i avtaleperioden	8
§ 5-4 Oppseiing av avtalar om kraftpris utan særskilt avtala opphøyrsgdato.	9
§ 5-5 Særskilt om opphøyr av avtale om kraftpris med fast pris og/eller varigheit	9
§ 6 Endringar i Allmenne vilkår for avtale om kraftpris	9
§ 6-1 Endringa i Allmenne vilkår for avtale om kraftpris for kundar som har avtalar om kraftpris utan særskilt avtala opphøyrsgdato	9
§ 6-2 Endringa i Allmenne vilkår for avtale om kraftpris for kundar som har avtalar om kraftpris med fast pris og/eller varigheit.....	9
§ 7 Tvistar.....	9
Definisjonar til Allmenne vilkår for avtale om kraftpris.....	10

§ 1 Allmenne føresegner

§ 1-1 Partane i avtalen

Partane i avtalen er kunden som tek ut straum til bruk på ei eller fleire leveringsadresser, og Kvam Kraftverk AS.

Kunden som inngår avtale om kraftpris, må vere identisk med den som er registrert som nettkunde hos nettselskapet på vedkomande leveringsadresse(r) (målepunkt-ID).

§ 1-2 Emne for avtalen og avtaleforholdet og yting frå Kvam Kraftverk AS

Denne avtalen gir Kvam Kraftverk AS rett til å avrekne kunden for den straumen kunden tek ut i samsvar med Kvam Kraftverk AS, til den prisføresegna / dei prisføresegnene partane har avtala i Særskild avtale.

Dersom ikkje anna er særskilt avtala mellom partane, skal avtalen omfatte avrekning for alt straumforbruk som kunden har på leveringsadressa si / leveringsadressene sine i avtaleperioden.

§ 1-2.1 Avtala yting frå Kvam Kraftverk AS

Som følgje av Kvam Kraftverk AS sin rett etter § 1-2, 1. ledd er Kvam Kraftverk AS forplikta til å stå økonomisk ansvarleg overfor den som er avrekningsansvarleg for straum teken ut til kundens leveringsadresse(r) i avtaleperioden.

Det nettselskapet / dei nettselskapa kunden har nettavtale/nettavgaltar med, er ansvarleg(e) for at kunden kan ta ut straum etter behov frå nettet til det elektriske anlegget sitt / dei elektriske anlegga sine.

§ 1-3 Ansvarsfråskrivning

Denne avtalen er ein avtale om kraftpris. Som følgje av dette fråskriv Kvam Kraftverk AS seg alt ansvar for skadar og tap elektrisiteten i seg sjølv, eller uteblitt levering av elektrisitet, måtte påføre kunden eller kundens medkontrahentar som følgje av forhold i nettet til nettselskapet.

§ 1-4 Avtaledokument

Avtale om uttak av straum skjer med standardproduktet «Spotpris med påslag» dersom ikkje anna er avtalt.

Ved avgaltar om uttak av straum som skal avreknast etter andre prisføresegner enn standardproduktet, består avtalen mellom partane av følgjande dokument:

Særskild avtale mellom partane

Allmenne vilkår, dersom ikkje Særskild avtale bestemmer anna

Dersom det vert motstrid, gjeld føresegnene i Særskild avtale alltid framfor føresegnene i Allmenne vilkår.

§ 1-5 Definisjon

Oppstår det tvil om tydinga av omgrep og uttrykk som er brukte i Allmenne vilkår, skal definisjonane i den definisjonslista som står til slutt i Allmenne vilkår, leggjast til grunn.

§ 1-6 Opplysningar når ein inngår alle typar avtalar om kraftpris

For at partane skal kunne inngå avtale om kraftpris, må kunden gi opp følgjande:

- (1) Namn (firmanamn, namn på offentleg organ eller organisasjon eller liknande)
- (2) Organisasjonsnummer
- (3) Adresse(r) for den målepunkt-ID-en / dei målepunkt-ID-ane avtalen skal omfatte
- (3) Målepunkt-ID (finst på fakturaer frå nettselskap(a) – gi opp dei siste 8 siffera)
- (4) Fakturadresse dersom ho er forskjellig frå adressa som er oppgitt under (3) (for eksempel efaktura)
- (5) Pårekna årleg uttak av straum fordelt på kvartal, ev. månader (basert på historisk statistikk eller skjønn)

§ 1-7 Oppseiing av kundens faste avtale om kraftpris ved overgang til avtale om kraftpris med Kvam Kraftverk AS

§ 1-7.1 Ansvar for oppseiing av kundens faste avtale

Dersom ikkje anna er avtala i Særskild avtale, må kunden sjølv sørge for å seie opp den faste avtalen / dei faste avtalane sine om kraftpris.

§ 1-7.2 Verknaden av klagar frå den tidlegare avtaleparten til kunden

Dersom kundens tidlegare avtalepart gjer gjeldande i samband med oppseiing/leverandørskifte at kunden ikkje har rett til å seie opp den faste avtalen om kraftpris, eller gjennomføre leverandørskifte, vedkjem det ikkje Kvam Kraftverk AS.

§ 1-7.3 Ansvar for tap o.l. som følgje av forseinka eller ikkje gjennomførbart leverandørskifte

Dersom leverandørskiftet vert forseinka eller ikkje kan gjennomførast på grunn av forhold som er nemnde i § 1-7.2, er Kvam Kraftverk AS ansvarsfri for dei tapa kunden måtte ha som følgje av dette. Dersom Kvam Kraftverk AS lir tap fordi eit leverandørskifte vert forseinka eller ikkje kan gjennomførast på grunn av forhold som er nemnde i § 1-7.2, kan Kvam Kraftverk AS halde kunden ansvarleg for slike tap. Kvam Kraftverk AS pliktar, så langt det let seg gjere, å avgrense tapet sitt. Erstatning for tapet til Kvam Kraftverk AS vert berekna etter føresegnene i § 4-2.2 for det tidsrommet Kvam Kraftverk AS vert påført tap.

§ 1-8 Kredittvurdering, sikkerheitsstilling o.a. ved avtaleinngåing

§ 1-8.1 Kredittvurdering

Kvam Kraftverk AS inngår avtale med kunden under føresetnad av at kunden vert rekna for betalingsdyktig. Kunden aksepterer at Kvam Kraftverk AS kan innhente kredittvurdering av kunden.

§ 1-8.2 Sikkerheitsstilling o.a.

Dersom kredittvurderinga etter sakleg vurdering frå Kvam Kraftverk AS sannsynleggjer at det er fare for betalingsmisleghald, kan Kvam Kraftverk AS avvise bestillinga, eventuelt seie opp avtalen, eller krevje sikkerheitsstilling, mellom anna fast forskotsbetaling.

Sikkerheitsstilling i form av sjølvskyldnarkausjon (bankgaranti og liknande) skal dekkje betaling for pårekna uttak i inntil fire månader. Kvam Kraftverk AS kan krevje at sikkerheitsstillinga vert halden ved lag så lenge faren for betalingsmisleghald kan sannsynleggjerast.

Dersom eit sakleg grunnlagt krav om sikkerheitsstilling eller forskotsbetaling ikkje vert akseptert av kunden, er dette eit vesentleg misleghald som gir Kvam Kraftverk AS rett til å heve avtalen med verknad straks.

§ 1-9 Teieplikt

Partane, partane sine tilsette og andre hjelparar partane måtte ha engasjert, har teieplikt om alt som vedkjem drifts- og forretningsforholda til den andre parten.

Dette er ikkje til hinder for at Kvam Kraftverk AS kan bruke eigen kunnskap om kunden i samband med kredittvurdering, eller at Kvam Kraftverk AS kan gi opplysningar om kunden til offentleg myndighet som har heimel i lov til å krevje opplysningar.

§ 2 Avrekning for uttak av straum

§ 2-1 Avrekning

§ 2-1.1 Avrekning ved bruk av måleverdiane til nettselskapet

Kvam Kraftverk AS bruker tilgjengelege måleverdiar frå nettselskapa ved all avrekning av kundar.

§ 2-1.2 Avrekning ved stipulering av forbruk

Dersom måleverdiar frå nettselskapa ikkje er gjorde tilgjengeleg for Kvam Kraftverk AS til rett tid før avrekninga skal skje, kan Kvam Kraftverk AS stipulere kundens uttak og bruke stipuleringa ved avrekninga. Summen vert justert i samband med første fakturering etter at Kvam Kraftverk AS har fått tilgang til måleverdiar frå nettselskapet.

§ 2-2 Feil ved avrekning

§ 2-2.1 Feil ved avrekning som kan tilskrivas Kvam Kraftverk AS

Dersom Kvam Kraftverk AS har brukt andre måleverdiar ved avrekning av ein kunde enn dei måleverdiane som nettselskapet til rett tid har gjort tilgjengelege for Kvam Kraftverk AS, kan partane krevje tilleggsbetaling, høvesvis tilbakebetaling for feilperioden.

Krav om tilleggsbetaling og tilbakebetaling vert forelda etter reglane i lov om foreldelse av fordringer av 18. mai 1979 nr. 18.

§ 2-2.2 Avvikskorrigering etter at det er blitt brukt stipulering ved avrekninga

Avvik som kjem av at Kvam Kraftverk AS ikkje har fått oppgitt nødvendige måleverdiar frå nettselskapet i rett tid, og såleis har brukt stipulert forbruk ved avrekning, jf. § 2-1.2, skal òg korrigerast ved tilbakebetaling eller tilleggsbetaling når måleverdiane ligg føre.

§ 2-2.3 Avrekningsfeil som følgje av feil i oppgitte måleverdiar frå nettselskapet

Dersom Kvam Kraftverk AS har motteke feil måleverdiar for kunden frå nettselskapet, og har brukt desse ved avrekninga av kunden, kan Kvam Kraftverk AS ikkje krevje etterbetaling frå kunden, og kunden kan ikkje krevje tilbakebetaling frå Kvam Kraftverk AS.

Oppgjer som gjeld for mykje eller for lite betalt for straum i dei tilfella der nettselskapet har meldt feil måleverdiar til Kvam Kraftverk AS, er fullt og heilt eit forhold mellom nettselskapet og kunden som nettkunde hos nettselskapet.

§ 3 Pris og betalingsvilkår

§ 3-1 Kraftprisar og endring av kraftprisar

§ 3-1.1 Endring av kraftpris

Endringar i prisar og vilkår for standardproduktet «spotpris med påslag» vert varsla på våre heimesider med 14 dagars varsel.

Kraftpris(ar) og vilkår for eventuelle endringar av andre kraftprodukt følgjer av det partane avtalar i Særskild avtale.

§ 3-1.2 Nettleige

Kraftprisen gjeld berre for avrekning av straumen kunden tek ut. Avrekning for nettleige frå nettselskapet til kunden kjem i tillegg til avrekninga for uttaket av straum.

§ 3-1.3 Offentlege avgifter o.a.

Med "avgift" forstår ein her all innkrevjing av pengar som offentlig styresmakt pålegg Kvam Kraftverk AS å gjere i samband med levering av straum.

Kraftprisen/kraftprisane er oppgitt eksklusive alle avgifter. Eksisterande og nye avgifter kjem i tillegg til kraftprisen med dei satsane som til kvar tid gjeld.

§ 3-1.4 Plikt til å dokumentere avgiftsfritak og rett til refusjon ved feilaktig avgiftsfritak

Kundar som etter forskriftene til avgiftsmyndigheitene er fritekne for avgifter, må i tvilstilfelle dokumentere overfor Kvam Kraftverk AS at dei har rett til avgiftsfritaket. Dersom Kvam Kraftverk AS skulle bli etterrekna av avgiftsmyndigheitene for avgifter som kundar feilaktig er blitt fritekne for, skal vedkomande kunde/kundar refundere det aktuelle avgiftsbeløpet til Kvam Kraftverk AS.

§ 3-2 Betalingsvilkår

Faktura forfell til betaling i samsvar med faktureringsrutinane og betalingsvilkåra til Kvam Kraftverk AS, og det partane avtalar i Særskild avtale.

§ 3-3 Forseinkingsrente

Forseinkingsrente kjem i tillegg dersom kunden betaler etter betalingsfristen som er oppgitt på fakturaen, etter lovbestemt rentesats i lov om renter ved forsinket betaling av 17. desember 1976 nr. 100.

§ 3-4 Inkasso

Inkasso vert iverksett i samsvar med lov om inkasso av 13. mai 1988 nr. 26, før eventuell rettsleg pågang vert iverksett.

§ 4 Sanksjonar ved misleghald av avtalen

§ 4-1 Stansing

Kvam Kraftverk AS kan stanse leveringa dersom kunden ikkje har betalt fakturaen innan betalingsfristen som er oppgitt på fakturaen.

Kunden og vedkomande nettselskap vil bli varsla om stansing og opphøyr av kraftleveranse, og om tidspunktet når kraftleveransen vert stansa.

Stansing inneber ikkje at avtalen om kraftpris vert oppsagd eller heva. Kvam Kraftverk AS vil halde tilbake kraftleveransen inntil all gjeld kunden har til Kvam Kraftverk AS, er oppgjord, eller til ein annan avtale om nedbetaling av gjelda er inngått. Etter dette gjeld avtalen om kraftpris vidare.

§ 4-2 Heving av tidsavgrensa kraftprisavtalar

§ 4-2.1 Kundens hevingsrett

Dersom Kvam Kraftverk AS mislegheld ein tidsavgrensa avtale om kraftpris, kan kunden heve avtalen.

§ 4-2.2 Erstatningsansvar for kunden dersom det ikkje er hevingsgrunn

Kvam Kraftverk AS kan krevje å få erstatta det tapet Kvam Kraftverk AS lir dersom kunden hevar ein tidsavgrensa avtale om kraftpris før utløpstidspunktet, og det ikkje ligg føre eit slikt misleghald av avtalen frå Kvam Kraftverk AS si side slik det er nemnt i § 4-2.1.

Erstatningsbeløpet vert berekna som differansen mellom områdeprisen i det prisområdet der kunden tek ut straum, på den dagen Kvam Kraftverk AS får melding om hevinga, og den prisen som gjeld i kontrakten mellom kunden og Kvam Kraftverk AS. Denne differansen skal multipliserast med avtala eller skjønnsmessig pårekna uttak av straum frå den dagen avtalen vert heva og ut den perioden som den tidsavgrensa avtalen gjaldt for.

§ 4-2.3 Kvam Kraftverk AS sin hevingsrett

Kvam Kraftverk AS kan heve ein tidsavgrensa avtale om kraftpris dersom kunden mislegheld betalingsplikt

§ 5 Frikjøp, oppseiing og opphøyr av avtale om kraftpris med fast pris og/eller varigheit

§ 5-1 Hovudregel for avtalar om kraftpris med fast pris og/eller varigheit

Avtale om kraftpris med fast pris og/eller varigheit skal gjelde for det tidsrommet som er avtala i Særskilde vilkår.

§ 5-2 Frikjøp frå avtaleforplikting og berekning av frikjøpsbeløp

Kunden får høve til frikjøp frå avtaleforpliktinga si ved å erstatte det tapet Kvam Kraftverk AS lir i og med at avtalen ikkje gjeld ut avtala tid i samsvar med Særskilde vilkår.

Erstatningsbeløpet (frikjøpsbeløpet) vert berekna som differansen mellom områdeprisen i det prisområdet der kunden tek ut straum, på den dagen kunden krev frikjøp, og den prisen som gjeld i kontrakten mellom kunden og Kvam Kraftverk AS. Denne differansen skal multipliserast med avtala eller skjønnsmessig pårekna uttak av straum frå den dagen frikjøpet gjeld frå, og ut den perioden som den tidsavgrensa avtalen gjaldt for.

§ 5-3 Særskilt om vidareføring og frikjøp frå avtalar for kundar som flytter i avtaleperioden

Kundar som har avtalar om kraftpris med fast pris og/eller varigheit, og som flytter før avtaleperioden er ute, får fullført avtalen ved å ta ut straum på den nye adressa si. Kundar som ikkje ønskjer å fullføre avtalen ut avtaleperioden når dei flytter, får høve til frikjøp etter føresegnene i § 5-2.

Kundar som har avtalar om kraftpris med fast pris og/eller varigheit, og som flytter, pliktar å varsle Kvam Kraftverk AS om den nye leveringsadressa si med dei opplysningane som går fram av § 1-6 i

Allmenne vilkår. Kvam Kraftverk AS vil deretter sende melding om oppstart av kraftleveranse til det aktuelle nettselskapet, jf. § 2-1 i forskrift om måling, avregning mv. av 11.03.1999 nr. 301.

§ 5-4 Oppseiing av avtalar om kraftpris utan særskilt avtala opphøyrsdato.

Avtalar om kraftpris utan særskilt avtala opphøyrsdato kan seiast opp av kvar av partane med 60 dagars skriftleg varsel.

§ 5-5 Særskilt om opphøyr av avtale om kraftpris med fast pris og/eller varigheit

Dersom Kvam Kraftverk AS etter utløpet av ein avtale om fast pris og/eller varigheit ikkje har motteke leverandørskiftemelding frå nettselskapet, og heller ikkje har motteke bestilling frå kunden om ein ny avtale om fast pris og/eller varigheit, vil kunden bli avrekna av Kvam Kraftverk AS for standardproduktet Spotpris med påslag som kan seiast opp i samsvar med føresegna i § 5-4 i Allmenne vilkår.

§ 6 Endringar i Allmenne vilkår for avtale om kraftpris

§ 6-1 Endringa i Allmenne vilkår for avtale om kraftpris for kundar som har avtalar om kraftpris utan særskilt avtala opphøyrsdato

For kundar som har avtalar om kraftpris utan særskilt avtala opphøyrsdato, kan Kvam Kraftverk AS gjere endringar i Allmenne vilkår for avtale om kraftpris.

Endringar vert kunngjorde med 14 dagars varsel på våre heimesider og er deretter gyldige.

§ 6-2 Endringa i Allmenne vilkår for avtale om kraftpris for kundar som har avtalar om kraftpris med fast pris og/eller varigheit

For avtalar om kraftpris med fast pris og/eller varigheit vert endringar som er nemnde i § 6-1, ikkje gjorde gjeldande i avtaleperioden. Endringane vil først bli gjorde gjeldande for slike avtalar dersom kunden etter at avtalen er utgått, fornyar eller vidarefører avtalen med ny aksept.

§ 7 Tvistar

Tvistar om kontraktsforholdet, som ikkje vert løyste ved forhandlingar, skal bringast inn for Hardanger tingrett, dersom ikkje partane i kvart enkelt tilfelle vert samde om skiltsdom.

Sorenskrivaren i Hardanger tingrett skal i tilfelle det er semje om skiltsdom, oppnemne formann i skiltsdomsretten. Elles avtalar partane i samråd med den oppnemnde formannen samansetninga av skiltsdomsretten og saksbehandling i samsvar med føresegnene i lov om voldgift.

Definisjonar til Allmenne vilkår for avtale om kraftpris

Avrekningsansvarleg: Eining utpeika av Olje- og energidepartementet som skal sørge for at det vert avrekna for all innmating og alt uttak av straum som skjer i netta i Norge. Dette er regulert i § 4-3 i energilova og i kapitla 4 og 5 i forskrift av 11.3.1999 nr. 301 om måling, avregning, fakturering av nettjenester og elektrisk energi, nettselskapets nøytralitet mv.

Avtale om kraftpris: Finansiell avtale der ein aktør (kraftleverandør) påtek seg å avrekne ein kunde for kundens uttak av straum i samsvar med avtale, samtidig som aktøren overfor avrekningsansvarleg tek på seg det økonomiske ansvaret for straumuttaket til den aktuelle kunden frå nettet til nettselskapet.

Elspotpris: Pris for straum som vert notert kvar time av den nordiske kraftbørsen Nord Pool ASA. Elspotprisen, eller berre spotprisen, er referansepris for all anna prissetjing av straum. Det vert notert ein systempris som er snittet for heile børsområdet. Ved flaskehalsar i det fysiske kraftoverføringsssystemet (sentralnettet) mellom regionar vert det notert ein elspotpris for kvart område (områdepris).

Finansiell avtale: Sjå avtale om kraftpris.

Kraftleverandør: Nemning for aktørar som "sel" straum til sluttbrukarar. Nemninga "kraftleverandør" er innarbeidd. Her presiserer vi at omgrepet ikkje refererer til ein aktør som står for fysisk leveranse av ei bestemt kraftmengd til sluttbrukaren, men til ein aktør som forpliktar seg til å avrekne kunden for den uttekne kraftmengda til avtala pris. Ytinga til kraftleverandøren er følgjeleg ein finansiell avtale.

Leverandørskifte: Formell, forskriftsfesta prosedyre for registrering av den leverandøren som skal ha økonomisk ansvar overfor avrekningsansvarlege for straumuttaket i kvar målepunkt-ID. Denne registreringa (leverandørskiftet) vert utført av det nettselskapet som eig nettet der kundens målepunkt-ID er. Melding om leverandørskifte skal alltid sendast av den aktøren som har inngått ny avtale om kraftpris (kraftleveringsavtale) med ein kunde. Reglane om leverandørskifte er inntekne i kap. 2 i forskrift av 11.3.1999 nr. 301 om måling, avregning mv.

Leveringsadresse: Sjå Målepunkt-ID.

Målepunkt-ID: I samsvar med § 1-3 i forskrift av 11.3.1999 nr. 301 om måling, avregning mv. er målepunkt-ID definert som "en entydig identifikasjon av et målepunkt basert på EAN-standarden Global Service Relation Number (GSRN)".

Nettleige: Alle prisar og anna økonomisk godtgjering (tariffar) som nettselskapet fastset for tilknytning til og bruk av elektriske nettanlegg. Jf. § 1-3 om tariffar i forskrift av 11.3.1999 nr. 302 om økonomisk og teknisk rapportering, inntektsrammer mv.

Nettselskap: Selskap som eig overføringsnett eller har ansvar for nettenester i samsvar med nettleigekontrakt med kunden og områdekonsesjon og omsetningskonsesjon ifølgje energilova.

Nord Pool ASA: Den nordiske kraftbørsen som er eigd av sentralnettsselskapa i dei nordiske landa. Aktørane som tilbyr avtalar om kraftpris til sluttbrukarar, handlar straum og prissikrar avtaleforpliktingane sine overfor kundane hos Nord Pool ASA.

Områdepris/ prisområde: Sjå Elspotpris.

Sluttbrukar: Som sluttbrukar reknar ein den kunden som tek ut elektrisk energi til eigen bruk, og som ikkje omset straum vidare.

Spotpris: Sjå Elspotpris.

Stansing: Det at kraftprisansvarlege bruker retten til å halde tilbake kraft frå kunden, noko som inneber at kraftleverandøren overfor kunden og nettselskapet erklærer at ein frå eit oppgitt tidspunkt ikkje står økonomisk ansvarleg overfor den avrekningsansvarlege og nettselskapet for straumen kunden tek ut.